



**Uunga siunnersuut: Inatsisartut Ombudsmandiata 2017-imut ukiumoortumik nalunaarutaata
Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.**
(Inatsisinut Ataatsimiititaliaq)
(Siullermeerineq aappassaaneerinerlu)

Demokraatini Ombudsmandi qutsavigerusupparput 2017-mi suliai pillugit. Ombudsmandeqarfik demokrati tunngavigalugu ingerlanitsinnut ilaalluinnartutut isigaarput aamma pingaartutut isigaarput innuttaasut tassunga naammagittaalliorsinnaammata.

Ombudsmandeqarfik sukkulluunniit innuttaasut inatsisitigut isumannaatsumik pineqarnissaannut pisortallu suliasaminnik naammassinnittarnissaannut qularnaariffittut paasineqarsinnaasutut isigaarput.

Inatsisinut Ataatsimiititaliatulli maluginiarparput Ombudsmandip oqaaseqaataasa ilaat ataaseq 2017- imi ukiumoortumik nalunaarummut ilanngunneqarsimasoq tamat suliat pillugit paasitineqarsinnaatitaanerannut tunngassuteqartoq. Tusagassiorfiit innuttaasullu allattugaatinik paasitineqarsinnaatitaanissaat Demokraatini demokratip ingerlalluarneranut takussutissatut isigaarput aamma ingerlatsiviit ammasumik paasiuminartumillu ingerlatsinissaat innuttaasut pisortanut tatiginnittuunissaannut pingaaruteqarluinnarput.

Tamanna tunngavigalugu Inatsisartut Siulittaasoqarfiat tamat paasitineqarsinnaaneratt pillugu malittarisassat ataaniitineqanngimmat eqqumiitsutut sulii isigaarput. Matumani ataatsimiinnermi Demokraatini aammaarluta tamanna pillugu siunnersuuteqarpugut Inatsisartut Siulittaasoqarfiat tamat paasitineqarsinnaaneratt pillugu malittarisassanut ilaaleqqullugu. Neriuppugut Inatsisartuni amerlanerussuteqartut tamatumuuna ilalerumaaraatigut.

Taamatut naatsumik oqaaseqarluta Demokraatini Inatsisartut Ombudsmandiata 2017-mut ukiumoortumik nalunaarutaata tusaatissatut tiguarput.